

SÄÄ'M KIÖLLTUÂJJ

–ciist miârkktoš lij u'vded tobdstoõzz sää'mkiõl staattuuzz da sää'm-kiõllsaž kääzkkõõzzi ooudâsviikkmoõžžâst tuejjuum miârkkšoõvvi tuâjast Lää'ddjânnmest. Sää'm kiõllsuâvtõs meätt Sää'm kiõlltuâjj –ciist Yle Sápme puõ'tti vuâđain:

Yle Sápmi lij si'tkkesvuõđin mägglo ee'jji tuâjain o'nnstam viikkâd ooudâs sää'mkiõli staattuuzz da ta'rjjääm kääzkkõõzzid sää'mkiõlin. Yle Sápmi lij vuâđtuâjes saaggjåå'dtem kuâŋŋad tuâimmjam jeõllsaž sää'mkiõli ruõkkâm da še sää'mkiõli jeõlltem peä'lest.

Yle Sápmi lij tuâimmjumuužžineez kaggâm sää'mkiõli staattuuzz saa'mi dommvuu'dest da nu'tt še obb Lää'ddjânnmest. Sää'mnaroodâst pâ'jjel pie'll jeälâst lää'ddkiõllsaž pirrõõžžâst saa'mi dommvuu'd åålgbeä'Inn pirr Lää'ddjânnam. Jälstempirrõõžžâst, ko'st sää'mkiõl kooll sami occanj, te'l sää'mkiõllsaž ođđâz da jee'res sää'mkiõllsaž prograammi vääžnai-vuõđ miârkktoõzz ärvv pâ'jjan.

Yle Sápmi pohtt õlmsa pukid Lää'ddjânnmest mainstum sää'mkiõlid. Aanarsää'm, nuõrttsää'm da tâ'vvsää'm koll'je Yle Sápmi vuõlttoõzzin juõ'kk peei'v, leä'sa Yle Sápmi äi'smâ'ttet lââ'zzted aanarsää'mkiõllsaž da nuõrttsää'mkiõllsaž programpuu't'tõõzzid. Yle Sápmi sää'mkiõllsaž radiavuõlttoõzz, õ'httsažtâ'vjjânmlaž tv-ođđâz Ođđasat di Yle Sápmi rosttovmannu 2013 aalgâst alttuum jeä'kkespeei'v tv-ođđâz liâ leämmaž miârkkšoõvvi lääu'k jie'nnkiõllsaž saaggjåå'dtem ooudâsviikkmoõžžâst da tõk liâ lââ'zztam sää'mkiõli kiõccâm- da ko'lljemvuõđ. Yle Sápmi lij ooudâsviikkâm programpuu't'tõõzz pukid âä'kkjooukid. Oođmõsân lij nuõrid jurddum radioprogramm, kää'tt jåå'dtet aanarsää'mkiõlle da tâ'vvsää'mkiõlle.

Yle Sápmi lij ooudâsviikkâm kääzkkõõzzid še interneettest. Yle Sápmi interneetseeidin vuei'tte lee'd lookkâmnalla ođđâz še koolmin sää'mkiõlin di lääddas. Tå'ben vuäitt noorrâd liâdg sää'mkiõllsaž radiada tv-prograamid. Seeidin lij še sää'mkiõllsaž, pukid äävai Shoutbox-chatlinnj, kää'tt lij vääžnai nuõri kiõllââ'nnemkri'lcc. Yle Sápmi radialiinjj lij vuäittmõš ku'vddled Interne'ttradia pääi'k obb lää'ddjânnmest da koon ä'rnn maai'lm täättas.

Sää'mte'gğ da Sää'm kiõllsuâvtõs tuäivv, što Sää'm –kiõlltuâjj –ciist äi'smâ'ttem mie'ldd Yle Sápmi o'nnste'ci juä'tkkes da kaggâd veäl jäänab sää'mkiõli ou'dde tuejjeem ääi'jmie'lddlaž šiõgg tuäi.



SÄÄ'M KIÖLLTUÂJJ -cistt 2013, ko'st liâ Outi Pieski kue'htt kälkkööz "Nuvvos Áiligas, mädd sodd" da "Kå'lljânnam".

"Kälkköözzi vue'lğgemalggân lij kōskkvuōtt â'lddpirrōōzz kue'stlma, jee'res kue'stelmpäi'ki histoo're, mainnsid da jiiijan toobdlmid. Kiōččlōōđâm veeideed ju'rddmōōžžid kue'stelm kiōččmōōžžâst nu'tt, što kue'stlma kuulli åskkmōōžži da mainnsi mie'ldd vuäitči tobddâd toobdlmid da kälkköözzi čeâlaivuōđ. Mon haa'lääm tobddâd da õõšam tōn, mä'htt tuōddârluât vuäitt lee'd õhttna poostjânnam da še kultturpirrōs. Nuvvos Áiligas lij tuâl'jōžäiggsaž pââ'ss tuōddâr, koon tuōddârōōdjîn liâ jîânnai miârkkšōōvvâmnallšen miârkktoōzz.

Kälkköözzi raamid hiâ'rvte trie'pķ (riessamat), mâ'te mäaccaķ šolkree'ppķin. Muu tuejjōōzzin kuâsttje täujja ää'rbvuâlaž sää'mkiōtttuâi elemee'nt, kook po'hte õhttvuōđ oummid, kook jeä'lle le'be liâ leä'mmaž jie'llemäi'jes äiğgen kälkköözžâst peäggatum päi'ķin. Mon haa'lääm liikkeed karttčeä'ppōōzz da duodji ruōbdte'mesvuōđ kōōškâst," maainast Outi Pieski kälkköözzeez pirr.

Karttčeäppneķ Outi Pieski (s. 1973) jäälast da re'ttlâstt Uccjooggâst da He'lss-nest. Tâ'vv luât laa'vai lee'd määngin suu tuejjōōzzin. Pieski čeäppōōzz â'nne se'st kälkköözžid, noorlmid da karttčeäppōššlaii tuejjōōzzid, koin kälkkumuš lij täujja tuejjuum sää'mkiōtt-tuâjjtekniikkîn. Re'ttlâsttmōōžžâst kuâsttai luâđ da kulttuur ra'vves õhttvuōtt. Realismm veiddan personallšemvuōđ da ääi'jte'mesvuōđ tobddmō'sše.

Outi Pieski lij valmštōōvvâm Karttčeäppōsakatemiast ee'jjest 2000. Son lij ââ-nam privatcuä'jtōōzzid tâ'vvjânnmin da suu tuejjōōzz liâ leämmaž vuei'nnemnalla määngin joukkcuä'jtōōzzin Euroopâst da Tâ'vv-Ä'mmriikkâst. Pieski lij tuejjääm še õlmmsaž tuejjōōzzid, jm. ee'jjest 2012 Sää'mkultturkōōškōs Sajo'sse, lââ'ssen suu tuâi liâ määngin õlmmsaž da privat norldōōggîn.

